

Na osnovu člana 17. Zakona o Vijeću ministara Bosne i Hercegovine ("Službeni glasnik BiH", br. 30/03, 42/03, 81/06, 76/07, 81/07, 94/07 i 24/08) i člana 11. Zakona o finansiranju institucija Bosne i Hercegovine ("Službeni glasnik BiH", br. 61/04 i 49/09), Vijeće ministara Bosne i Hercegovine, na 140. sjednici, održanoj 28. 12. 2010. godine, donijelo je

ODLUKU

O PRIVREMENOM FINANSIRANJU INSTITUCIJA BOSNE I HERCEGOVINE I MEĐUNARODNIH OBAVEZA BOSNE I HERCEGOVINE ZA PERIOD JANUAR - MART 2011. GODINE

Član 1.

(Predmet odluke)

Ovom Odlukom odobrava se privremeno finansiranje institucija Bosne i Hercegovine i međunarodnih obaveza Bosne i Hercegovine za period januar - mart 2011. godine.

Član 2.

(Visina sredstava za privremeno finansiranje)

Privremeno finansiranje institucija Bosne i Hercegovine i međunarodnih obaveza Bosne i Hercegovine za period iz člana 1. ove Odluke utvrđuje se do iznosa ukupno usvojenih sredstava Budžeta institucija Bosne i Hercegovine i međunarodnih obaveza Bosne i Hercegovine na nivou jedne četvrtine sredstava u usvojenom budžetu za 2010. fiskalnu godinu, i to za finansiranje institucija Bosne i Hercegovine u iznosu do 257.000.000,00KM, a za servisiranje međunarodnih obaveza do 85.413.750,00KM.

Član 3.

(Raspored prihoda po budžetskim korisnicima i vrstama rashoda)

- (1) Raspored prihoda po budžetskim korisnicima i vrstama rashoda vršit će se na nivou jedne četvrtine sredstava u usvojenom budžetu za 2010. fiskalnu godinu.
- (2) Budžetski korisnici ne mogu započeti nove ili proširene programe i aktivnosti dok se isti ne odobre u Zakonu o budžetu institucija Bosne i Hercegovine i međunarodnih obaveza Bosne i Hercegovine za 2011. godinu.
- (3) Za nove institucije formirane tokom 2010. godine, mjesečni iznos sredstava za finansiranje odobrava Ministarstvo finansija i trezora Bosne i Hercegovine u skladu sa iznosima odobrenih sredstava iz Budžetske rezerve Budžeta institucija Bosne i Hercegovine i međunarodnih obaveza Bosne i Hercegovine za 2010. godinu, uzimajući u obzir potrebu prilagođavanja strukture budžeta realnim uslovima njihovog funkcionisanja.
- (4) Na osnovu Odluke o preuzimanju poslova, objekata, sredstava za rad i zaposlenih između Ministarstva sigurnosti Bosne i Hercegovine, Državne agencije za istrage i zaštitu i Direkcije za koordinaciju policijskih tijela Bosne i Hercegovine ("Službeni glasnik BiH", broj 94/10) u periodu januar- mart 2011. godine odobrava se za privremeno finansiranje Direkciji za koordinaciju policijskih tijela Bosne i Hercegovine iznos do 6.300.000,00KM.
- (5) Finansiranje Ministarstva sigurnosti Bosne i Hercegovine i Državne agencije za istrage i zaštitu bit će srazmjerno umanjeno u skladu sa sredstvima iz stava (4) ovog člana.

Član 4.

(Višegodišnji projekti)

Neurošena sredstva za višegodišnje projekte koji su usvojeni u budžetima prethodnih godina prenose se u skladu sa članom 14. Zakona o finansiranju institucija Bosne i Hercegovine ("Službeni glasnik BiH", br. 61/04 i 49/09).

Član 5.

(Servisiranje vanjskog duga)

Izmirenje obaveza na osnovu servisiranja vanjskog duga vršit će se u skladu sa planovima otplate.

Član 6.

(Provođenje odluke)

- (1) Provođenje ove Odluke vršit će se u skladu sa **odredbama** i procedurama utvrđenim u Zakonu o budžetu institucija Bosne i Hercegovine i međunarodnih obaveza Bosne i Hercegovine za 2010. godinu ("Službeni glasnik BiH", broj 103/09).
- (2) **U periodu privremenog finansiranja iz člana 1. ove odluke, prioriteti plaćanja utvrđeni su članom 18. Zakona o finansiranju institucija Bosne i Hercegovine.**

Član 7.

(Stupanje na snagu)

Ova Odluka stupa na snagu danom donošenja, a primjenjivati će se od 1. januara 2011. godine.

Član 8.

(Objavljivanje u "Službenom glasniku BiH")

Ova Odluka objavljuje se u "Službenom glasniku BiH".

VM broj 316/10
28. 12. 2010. godine
S a r a j e v o

Predsjedavajući
Vijeća ministara BiH
dr. **Nikola Špirić**